

Gobernador di bishita na Dr. Horacio E. Oduber Hospital

ORANJESTAD - Recientemente Hunta di Directiva conhuntamente cu e “amputatiecommissie” di Dr. Horacio E. Oduber Hospital a yama un caloroso bonbini na Su Excelencia Gobernador di Aruba, Sr. Fredis Refunjol.

Gobernador a bishita Hospital pa asina ricibi un splicacion extenso tocante e proceso cu un pashent ta pasa aden despues cu mester a amputa. E “amputatiecom-



missie” ta consisti di e departamentonan Center for Advanced Wound Care, Gipskamer y Revalidatie. Gobernador a ricibi un splicacion extenso di cada disciplina, como tambe e cuidu pre- y

e expertonan mes cual a bay den un ambiente hopi ameno.

Dr. Bennett-Maria a splica cu e comision cu ta consisti di coleganan di e tres departamentonan menciona, a cum-



post operacion pa pashentnan cu mester di un amputacion. Dr. Kyle Bennett-Maria, Revalidatiearts, a expresa cu tabata un placer pa e amputatiecommissie por tabata anfitrion pa Gobernador Refunjol. Un mainta na unda a ricibi hopi informacion for di

insa traha hunto na aña 2010, pero desde 2014 a duna e colaboracion mas contenido y forma.

E comision tabata un iniciativa di dr. Alex Ponson y dr. Bennett y na 2013 a agrega nan colega Dr. Yury Caceres, kende tin hopi conocemento

riba tereno di “pia diabetico”. E meta principal di e comision ta pa ofrece e miho servicio pa medio di guia medico specialisa na pashentnan cu tin herida of mester haya of ya a pasa den un amputacion. E comision ta traha den un team fuerte pa provee e miho resultado pa e pashent. Gobernador Refunjol durante di su recorrido a haya un bon splicacion di tur e diferente funcion y specialisacion



den e departamentonan aki y por a mira con e trato y cuidu di e pashentnan ta tuma luga. Dr. Bennett-Maria a splica cu a bin cu un protocol pa cu pashentnan cu ta interna den hospital di cual ta nota cu herida no ta cura bon y consecuentemente ta dicidi cu e pashent mester di un amputacion di sea un tenchi of hasta e pia te riba di e rudia. Na momento cu dicidi cu no por haci otro cu un amputacion, e ciruhano ta avisa e team, cual ta cuminsa cu evaluacionnan necesario di e pashent.

Ta inclui servicionan di fisioterapia, ergoterapia, revalidacion, trahado social y e dietista. Tur e specialistanan aki ta bishita e pashent y ta brinda e pashent guia special, y un impresion di kico ta sper’e. Hunto nan ta percura pa un guia optimal di prome y despues di operacion. E comision ta traha cu e pashent te na e momento cu, despues di su operacion, el a ricibi su prothese y e por cana bek, o sea te ora cu e finalisa e



asina yama “amputatiebehandeling”. Un danki ta bay primeramente pa Gobernador Refunjol cu a traha tempo pa

pasa y bishita Hospital pero tambe sigur na cada persona cu di un of otro forma a forma parti di e team organisatorio. □

